

На Хвалитех

стихиры, на 4, глас 1: Подобен: Небесных чинов:

Свещеносицы девы,/ Приснодеву светло провождающе,/ пророчествуют истинно Духом будущее:/ храм бо Божий Богородица сущи,/ в храм со славою девственною// младенствующи вводится.

Обещания святого и плод благославный,/ Богородица воистинну явися миру,/ яко всех превышшая:/ Яже благочестно приводима в храм Божий,/ молитву рождших исполняет,// соблюдаема Божественным Духом.

Небесным воспитана Дево хлебом,/ верно в храме Господни,/ родила еси миру жизни хлеб Слово:/ Емуже яко храм избранный и всенепорочный,/ предобручилася еси Духом таинственно,// обручена Бóгу и Отцу.

Да отверзется дверь Богоприятного храма:/ храм бо всех Царя и престол,/ днесь со славою внúтьрь приём,/ Иоаким возлагает освятив Гóсподу,// от Него избранную в Мáтерь Себе.

Слава, и ныне, глас 2: [Леонта Маистра:]

Днесь в храм приводится Всенепорочная Дéва,/ во обителище Всецаря Бóга,/ и всея жизни наша питáтеля:/ днесь чистейшая святы́ня,/ яко трилетствующая Юница,/ во святая святых вводится./ Той возопиим яко áнгел:// радуйся, Едина в женах Благословéнная.

Славословие великое. И отпуст.

Знаменуются же братия от иереа святым елеем. И поем стихиру самогласну праздника, юже хочет еkkлисиарх.